

之曆差惠能傳五六祖之燈錄洞玄羽化放紫雲薛  
昌身輕於商陸俞靈瓚絕粒而回風酈希誠揮箒而  
致澍鄧隱峯倒化炫奇丘處仲棄屍伴怒普真賣藥  
石垣分身劉商服術許碣醉吟羅喬白羸行壁守干  
紙衣示人崇辨尸解駭俗懷丙技巧絕倫田志亨馴  
蛇表異劉道秀逃盜驚羣蕭淨興化崔入夢梅志仙  
徙栢出神蔡湛然賜名江月丘處機封號長春海上  
老人煮石賑餓東峯長老索昝給鄰劉海蟾解組入  
道疊無竭泛海尋真病虎運籌於帷幄鐵牌驅神於  
雷電唐老姑投大茂之石崖尹蓬頭騎關西之鐵鶴

楊燧術竟脫棺郝姑雲來扶腳江水一天秋王曰銓  
見道之作長空一月圓宋善岩了性之學懿碩虔騎  
箕降嶽天不愛道剪華挺實地庸愛寶鉅星精而細  
土麗式山搜而澤討穀之屬兮黍稷離離粟別三色  
秫分二宜稻尙石塘之粳麥多金王之秣叶離回鶻之  
碗甘可作餐苾角之牟融廼爲飴薏苡味侔乎百粵  
巨勝香奪乎五芝蔬之屬兮香芹信是楚葵遂州之  
黃芽切肪劈玉東垣之青韭露種霜肥春不老琅玕  
輸碧草石蠶甘露比滋莠藍去莖而取柢懷香小粒  
而繁枝蠡吾之土芋曰豆銀山之樹耳曰雞天花爲